

保靖縣志卷一

天章志

雲霧皇皇

巽命風翔

體天出治踵陶邁唐

龍綸絢采

鳳詔含鏘

帝德廣運勸戒周詳上蟠下際遐陬殊方萬邦作孚俎豆

典章志

天章

詔諭

宸翰

前代詔勅附

保靖縣志

卷一

天章

詔諭

順治九年

御製卧碑

朝廷建立學校選取生員免其丁糧厚以廩膳設學院學道學官以教之各衙門官以禮相待全要養賢才以備朝廷之用諸生皆當上報國恩下立人品所奉教條開列於後

一生員之家父母賢智者子必孝教父不孝者父有非為者子既讀書明理再三懇告父母不附方允下
一生員居心忠厚正直讀書方有實用出任必作良吏若

心術邪刻讀書必無成就爲官必取禍患行害人之事者適以自殺其身當宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司衙門不可輕入即有切已之事只許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辯難爲師者亦當盡心教訓勿致怠惰

一軍民一切利病不許生員上書陳言如有一言建白以

保靖縣志

卷一

詔諭

二

違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調治罪

康熙九年

御製十六條

朕惟至治之世不專以法令爲務而以教化爲先其時人心醇良風俗樸厚刑措不用比屋可封長治久安茂登上理蓋法令禁於一時而教化維於可久若徒恃法令而教化不宜是舍本而務末也近見風俗日敝人心不古黨凌成習僭濫多端狙詐之術日工訟獄之興靡已或豪富陵

轢孤寒或劣紳武斷鄉曲或惡衿出入衙署或蠹棍詐害
良善菴符之劫掠時聞讐忿之殺傷屢見陷罹法網刑所
必加誅之則無知可憫宥之則憲典難寬念茲刑辟之日
繁良由化導之未善朕今欲法古帝王尚德緩刑化民成
俗舉凡敦孝悌以重人倫篤宗族以昭雍睦和鄉黨以息
爭訟重農桑以足衣食尚節儉以惜財用隆學校以端士
習黜異端以崇正學講法律以儆愚頑明禮讓以厚風俗
務本業以定民志訓子弟以禁非爲息誣告以全良善戒
窩逃以免株連完錢糧以省催科聯保甲以弭盜賊解讐
忿以重身命等項作何訓迪勸導及作何責成內外交武

保靖縣志

卷一

詔諭

三

該管各官督率舉行爾部詳察典制定議具奏特諭

康熙四十一年

御製訓飭士子文

國家建立學校原以興行教化作育人材典至渥也朕臨
御以來隆師重儒加意庠序近復慎簡學使釐剔弊端務
期風教修明賢才蔚起庶幾棫樸作人之意乃比年士習
未端儒教罕著雖因內外臣工奉行未能盡善亦由爾諸
生積錮已久粹難改易之故也茲特親製訓言再加警飭
爾諸生其敬聽之從來學者先立品行次及文學學術事
力以委有敘爾諸生幼聞庭訓長列宮牆朝夕誦讀實無

講究必也躬修實踐砥礪廉隅敦孝順以事親秉忠貞以
立志窮經考業勿雜荒誕之談取友親師悉化驕盈之氣
文章歸於醇雅毋事浮華軌度式於規繩最防蕩佚乎矜
佻遠自昔所譏苟行止有虧雖讀書何益若夫宅心弗淑
行已多愆或蜚語流言脅制官長或隱糧包訟出入公門
或唆撥姦猾欺孤陵寡或招呼朋類結社邀盟乃如之人
名教不容鄉黨切齒縱倖脫褫扑濫竊章縫返之於哀寔
無愧乎况鄉會科名乃掄才大典關係尤重士子果有實
學何患困不逢年顧乃標榜虛名暗通聲氣夤緣詭遇罔
顧身家又或改竄鄉貫希圖進取豈凌騰沸網利營私種

種弊端深可痛恨且夫士子出身之始尤貴以正若茲厥
初拜獻便已作姦犯科則異時敗檢踰閑何所不至又安
望其秉公持正爲國家宣猷樹績應後先疏附之選哉朕
用嘉惠爾等故不禁反復惓惓茲訓言頒到爾等務共體
朕心恪遵明訓一切痛加改省爭自濯磨積行勤學以圖
上進國家三年登進束帛弓旌不特爾身有榮即爾祖先
亦增光寵矣逢時得志甯俟他求哉若乃視爲具文玩愒
勿儆毀方躍冶暴棄自甘則是爾等冥頑無知終不能率
教也既負栽培復干咎戾王章具在朕亦不能爲爾等寬
矣自茲以往內而國學外面直省鄉校凡學臣師長皆有

司鐸之責者並宜傳集諸生多方董勸以副朕懷否則職
業勿修咎亦難逭勿謂朕言之不預也爾多士尙敬聽之
哉

雍正五年奉

諭桑植土司向國棟保靖土司彭御彬暴虐不仁動輒殺
戮且骨肉相殘土民如在水火朕聞之深加憫惻既有被
害男婦紛紛來歸情願編入版籍以免殘虐若拒而不納
則結怨之士民必致無遺類矣朕撫有四海內地苗疆皆
朕版圖漢土民人皆朕赤子若一夫不獲當厯朕懷况數
千土民安忍置之度外今俯順輿情俱准改土爲流設官

保靖縣志

卷一 詔諭

五

緩輯彈壓其應當審理之舊案著該督一併審結但帶兵
入內官弁等須仰體朕心不得殺戮無辜竝曉諭平日奉
法之士司仍各安居樂業不必疑懼其土民向被桑植保
靖二土司殘虐者著加意撫卹去其苛政務使出水火而
登衽席以副朕除暴安民之意如叻惡黨與即予剪除倘
歸誠嚮化皆予寬釋其向國棟彭御彬應安插何省不令
失所之處著該督撫酌量定議以廣朕法外之仁仍將此
曉諭附近土司咸使悉知朕意

雍正八年奉

諭曰在土作貢古今之通義聞新設永順一府所轄永順

龍山保靖桑植四縣向來三土司每年秋糧共銀二百八十兩永順一百六十兩保靖九十六兩桑植二十四兩皆由土司交納雖有秋糧之名實不從田畝徵收永順則名火坑錢民間炊爨每一坑徵銀二錢二分保靖則名鋤頭錢每一鋤人山納銀三五錢不等桑植則名煙戶錢與火坑相等所交秋糧即於此內量行撥解至於成熟之田土官多擇其肥饒者自行種收餘復爲舍把頭人分占民間止有零星碕角之地每年雜派數次任意輕重此土司徵民之陋規也改土歸流之後各有司因田畝未經清丈或按土戶均攤或照土司田種舊冊攤派以完秋糧二百八

保靖縣志

卷一

詔諭

六

十兩之數雖較土司陋規十不及一民皆歡欣樂輸然無田之民或以火坑等項尙未盡除而有力之家隱占田畝不輸賦稅殊非任土作貢之義惟是若令有司勘丈又恐愚民無知轉生疑畏再四思維惟有令本人自行開報一法著將永順一府秋糧二百八十兩豁免一年俾土民咸知向日火坑等項從此永遠蠲除其有產之家令有司詳明勸諭許將伊等祖父遺留或用價置買或招佃開墾已經成熟田若干畝開明四至併將上中下地畝價值若干之處限一年內自行開報地方官給與印照准其永遠爲業此次免其稅契俟一年報齊之後有司照冊確查按田

肥瘠分別升科以完此秋糧二百八十兩之額賦如有隱漏者照例究治一切雜派私徵嚴行禁革如此則無業之民得免竭蹶輸將而有力之家可以永爲世業庶得愛養均平之道是在該督撫等督率有司善於經理開導使土眾民人明白曉諭共受國恩倘奉行不善仍令士民不免疑懼則咎有攸歸特諭

乾隆四年奉

上諭士爲四民之首而大學者教化所先四方於是觀型焉比者聚生徒而教育之董以師儒舉古人之成法規條亦既詳備矣獨是科名聲利之習深入人心積重難返士

保靖縣志

卷一 詔諭

七

子所以汲汲皇皇者惟是之求而未嘗有志於聖賢之道不知國家以經藝取士由聖賢之言體聖賢之心正欲使之爲聖賢之徒而豈沾沾爲文藝之末哉朱子同安縣論學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也夫使古人之學止於如此則凡可以得志於科舉斯已爾所以汲汲焉愛日不倦以至於死而後已者果何爲而然哉今之士子不知此以爲苟足以應有司之求矣則無事乎汲汲爲也是以至於惰遊而不知返終身不能有志於學而君子以爲非士之罪也使教素明於上而學素講於

下則士者固將有以用其力而豈有不勉之患哉諸君子苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闡然自修世俗之紛華靡麗無足動念何患文章聲譽之能奪志哉况即爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖曰日應科舉亦不累也居今之世雖孔子復生也不免應科舉然豈能累孔子耶此言即是科舉中爲己之學誠能如

此則四書五經皆聖賢之精蘊體而行之爲聖賢而有餘不能爲己則雖舉經義治事而督責亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人材將用以致君澤民治國平天下而囿於積習不能奮然求志於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而爲學者知所以學欽此

嘉慶八年奉

上諭我國家

列聖重光以典學親
師爲首務羣士霑濡
化雨浹髓淪肌朕紹承

大烈嘉慶三年即舉臨雍之典八年於茲兢兢業業不敢
昕夕愆忘今仰荷

洪慈武功葳事文教宜修首善之地尤加意焉夫學以明
倫爲本土以喻義爲先倫不修而以文賁飾義不明而以
利計私何以爲士子之倡乎學校之科條非不燦然顧或
於倫物不躬行則三德六行皆空華矣或於義利不明辨
則服古入官皆市道矣爾監臣可不孜孜以是導其國子

保靖縣志

卷一

詔諭

九

爾多士可不汲汲以是臻於高明毋以爲迂濶而遠於事
情毋以爲陳言而不求切己朕所厚望於臣工士庶滌濯
其心誠勤無懈以培植賢才爲國楨幹焉各宜交勉

嘉慶十三年巡撫景安 奏請增設苗疆中額奉

旨以乾州鳳凰永綏三廳並永順府屬之保靖一縣民籍
士子數至三十名以上編列邊字號於本省正額內取中
一名其四廳縣新籍苗生編列田字號如數至十五名以
上於正額外取中一名如邊字號不足三十名田字號不
足十五名之數仍歸通省取中無庸另編字號即將來應
試人多亦不得於原額外加取以示限制

道光八年奉

上諭富俊奏黜奢尚儉以維風化一摺厚生之道首在崇儉惟承平日久生物滋豐以致踵事增華風俗日形奢靡朕臨御之初曾經降旨諄諄垂戒期於返樸還淳乃奉行不力日久仍成具文如富俊所奏近日京師外省風氣競尚浮夸較前更甚所謂奢不見詰轉相高尚無有窮極誠不可不防其漸查官員軍民人等一切冠履服飾以及冠昏喪祭等事載在會典俱有品級等差因卷帙浩繁民間不能家有其書致使爭相誇耀積慣成習視爲固然於風俗人心大有關係著內外各衙門將民間應用服色及昏喪儀制悉照會典所載刊刻簡明規條徧行示諭務使家喻戶曉嗣後各實力祇遵毋再蹈侈靡故習以副朕崇儉黜奢之至意將此通諭知之欽此

道光二十一年

御製黜異端以崇正學韻文

惟天生民異質同性界以五常統乎百行自聖及凡無邪有正本體既明趨向乃定惟聖覺世振頑啟愚防以刑政迪以詩書雷霆儆戶日月照衢提撕引掖惟善之驅緬思古昔俗美化醢豆觴知義箕帚明倫以忠於上以孝於親里因仁善鄰以德薰蓋惟先民正學是尚戶謹師承家遵

保靖縣志

卷一

詔諭

十

蒙養行不履邪言不涉妄聖教既昌皇風斯暢事有二氏
曰老曰釋老主清淨釋宗寂滅爲教雖殊其指則一今之
異端乃襲其說嗟彼異端何獨非民不知父子不知君臣
若飲狂藥如墮迷津離經畔道與匪爲鄰匪之不除邪說
競作僞託師巫妄言禍福結會傳徒糾盟黨惡使我良民
受其愚惑惟民之愚見異思遷謂可成佛謂可昇仙教之
不悟信之愈堅不惜軀命無論金錢嗟爾之軀生自父母
望爾承先待爾啟後達固爲榮窮亦可守奈何不肯受其
脅誘嗟爾之財辛苦所餘累非朝夕積自錙銖衣食所賴
緩急是需奈何被惑罄其蓄儲今爲爾告爾其敬聽自來

保靖縣志

卷一 詔諭

十一

百邪不敵一正見暝雪消遇霜草隕身敗名墮曾不轉瞬
不見異端男女同室廉恥道亡綱常理息如彼禽獸豈容
天日一旦伏誅悔之無及不見異端茹素念經愚我黔首
亂我儒衿生爲民蠹死受國刑殃禍不救祈禱無靈不見
異端創立名號敢肆譁張自外覆幘翦鴉於林磔鼠在道
曾不崇朝首領莫保前車可鑒覆轍當思何思其教更拜
爲師念此蠢蠢哀我蚩蚩狂瀾不返疇其拯之乃飭疆吏
乃命守土爲爾去莠爲爾除蠹殄此虺蛇投彼豺虎一警
迷塗同歸覺路自今庶民各守爾義農服耕耘士修孝弟
商阜其財工勤其藝莫作非爲永保勿替更告爾兵武藝

爲先冠不在美衣不在鮮武勇既備禮讓並嫻毋蹈非分
永守勿愆矧今盛世化及昆蟲何生不育澤被草木飽煖
有資俯仰具足幸生其時太平可樂勿干國憲勿犯王章
各安本務共享平康秋田息蠟春社烹羊人其永壽天亦
降祥

咸豐元年奉

上諭通政使羅愷彥奏請崇儉禁奢一招國家承平日久
生物繁滋官民競尙奢華於風俗人心大有關係必當申
明舊例以復淳風道光年間曾奉

諭旨內外各衙門將民間應用服色及昏喪儀制悉照會

保靖縣志

卷一

詔諭

十二

典所載刊刻簡明規條使百姓知所恪守乃近來奢靡之
風未能盡革總因有司奉行不力視爲具文規條久不頒
行鄉曲無由曉諭俗吏積習相沿以條教爲迂談以化導
爲末務將所謂上行下效者安在耶著禮部查明道光八
年頒行簡明規條通行內外各衙門遵照刊刻出示通行
曉諭俾民間有所遵循務歸淳樸以副朕崇儉黜奢至意
將此通諭知之欽此

同治四年奉

上諭御史賈鐸奏請申明講約舊例以維人心一摺我
朝雍正年間頒發

聖諭廣訓遵飭各直省地方官於每月朔望剴切宣講務使鄉曲愚民咸知向善

列聖相承諄諄誥誡不啻再三朕御極之初亦經宣諭中外實力奉行毋得虛應故事乃如該御史所奏近來州縣官藐視舊章實不知講約爲何事以致人心風俗敗壞滋深不但鄉里小民日趨邪僻竟有身列膠庠忝然四民之秀亦竟離經畔道而肆無忌憚者世道人心所關匪細亟應申明舊例以示率從著順天府五城各直省督撫大吏嚴飭所屬地方官選擇鄉約於每月朔望齊赴公所敬將聖諭廣訓各條剴切宣示其距城較遠各鄉即著地方官

保靖縣志

卷一 詔諭

十三

選擇品行端正紳耆設立公所按期宣講仍由該地方官隨時考查不得日久玩生教諭訓導等官課士而外惟當與生講論孔孟之道以砥礪其身心其各省學政按臨處所亦當督同學官隨時闡揚正教認真開導俾士民各端趨向有所遵循倘有地方州縣及各學教官虛應故事奉行不力即由該管督撫學臣據實參處以維風化而振愚蒙欽此

康熙三年

賜湖廣保靖州軍民宣慰司彭鼎進太子少保詔奉天承運

皇帝詔曰勅下保靖州軍民宣慰使司宣慰使彭鼎今據
欽差巡撫偏沅等處地方撫臣周召南疏題該司投誠極
早歸順識時乃世封之茅土起自漢唐爲諸司之首領永
樹荆南世篤忠猷當懸以待依議是加欽賜坐蟒袍正一
品服太子少保任保靖州軍民宣慰使司事頒給方印一
顆經歷印一顆依印受銜用彰王化仍聽地方官節制謹
守世土之官勿負柔遠之典欽此特勅

附錄明洪武六年太祖賜保靖安撫司彭萬里陞宣
慰司勅

朕以涼德丕承大統靜掃胡元之腥羶重光大明之

保靖縣志

卷一

詔諭

十四

日月其所以拔采石定京都擒僞漢殲強吳長驅入
燕克復中原者惟是各藩土司夾輔之力也爾彭萬
里本江西詩書之裔爲湖北忠義之藩首能倡率義
師竭款獻忱納土助順不辭百戰之勞共建一統之
業厥功偉矣茲特照昔日表功之典行今日懋賞之
宜欽賜爾銅印一顆勘合一道開設保靖州宣慰使
司加授爾宣慰使進階安遠將軍輕車都尉爾妻曾
氏封太淑人仍錫以世襲誥命諭爾世世子孫傳守
勿替引之凡所屬官長舍把等職悉聽節制調度其
各寨夷民耑老俱從爾安撫保釐居常則貢賦宜先

遇警則調征毋後如事有與西陽永順附近等司相
關者務宜各一乃心彼此籌度期奏膚功不得爾我
執拗自相矛盾致悞事宜亦毋得結忿構怨恃強仇
殺但當講信修睦以締盟好設遇苗民不律亦宜相
機勦殺毋令滋蔓於戲錫以券符用昭恩典於藩國
分之昨上共期帶礪於山河故茲勅諭毋或作事乖
方自罹罪戾爾其慎之欽此故諭

嘉靖五年世宗賜保靖宣慰彭九霄進湖廣承宣布
政使司右參政制

制曰折衝禦侮邊臣司保障之權撫順摧堅武士重

保靖縣志

卷一

詔諭

十五

干城之寄倘職守稍弛於有警則疆圉何保乎無虞
責任式嚴兢業毋懈爾湖廣保靖州軍民宣慰使司
宣慰使彭九霄系出世藩身為良將掌兵權而諳三
令五申之法督軍伍而明六花八陣之圖故征蜀寇
殲黔苗立使渠魁授首破崗獠滅流賊頓令元惡褫
魂數奉命而兵行無擾屢出征以餉不妄支懋著奇
功宜加顯爵是特進階爾大中大夫資治少尹湖廣
承宣布政使司右參政致仕夫武職而授以文銜用
示朕褒賢特典宣慰而陞為參政聊酬爾勤王懋功
爾宜益竭忠貞顧諟名義靖共厥職固守邊疆斯無

負優寵之至意也往其懋哉光我訓詞欽此

嘉靖三十三年世宗賜雲南承宣布政使司右參政仍管湖廣保靖州軍民宣慰使司宣慰使彭蓋臣進大中大夫資治少尹制

制曰國家久安長治之道惟恃免冒英品虎賁雄才謹間諜而嚴烽候邊境無虺蝎之虞鉗南北而撻東西士卒無常武之詠海甸惟清蕩平克奏爾雲南承宣布政使司右參政仍管保靖宣慰司事彭蓋臣鞫畧家傳忠貞世篤恪遵欽命固守雄藩雲屯萬竈素嫻坐作進退之方霧擁千軍深得拒守攻圍之法奉

保靖縣志

卷一

詔諭

十六

簡命而親往督征戎行整肅備前驅而遠從薄伐紀律嚴明先年洞苗掃穴畏若順昌之旗近日倭寇犁庭懾比陰山之哭偉績久已題敍殊恩允宜優加茲特進階爾大中大夫資治少尹錫之誥命用酬膚功爾尚體朕至懷靖共厥職踵方叔師干之試者也尙其懋之欽此特諭

宸翰

御製孔子讚

前序康熙三十年頒勅

蓋自三才建而天地不居其功一中傳而聖人代宣其蘊
有行道之聖得位以綏猷有明道之聖立言以垂憲此正
學所以常明人心所以不泯也粵稽往緒仰遡前徽堯舜
禹湯文武達而在上兼君師之寄行道之聖人也孔子不
得位窮而在下秉刪述之權明道之聖人也行道者勲業
炳於一朝明道者教思周於百世堯舜文武之後不有孔
子則學術紛淆仁義湮塞師道之失傳也久矣後之人而
欲探二帝三王之心法以爲治國平天下之準其奚所取

保靖縣志

卷一

宸翰

十七

衷焉然則孔子之爲萬古一人也審矣朕巡省東國謁祀
闕里景企滋深敬摘筆而爲之贊曰

清濁有氣剛柔有質聖人參之人極以立行著習察舍道
莫由惟皇建極惟后綏猷作君作師垂統萬古曰惟堯舜
禹湯文武五百餘歲至聖挺生聲金振玉集厥大成序書
刪詩定禮正樂既窮象繫亦敲筆削上紹往緒下永來型
道不終晦秩然大經百家紛紜殊途異趣日月無踰羹牆
可晤孔子之道惟中與庸此心此理千聖所同孔子之德
仁義中正秉彝之好根本天性庶幾夙夜勗哉令圖溯源
洙泗景躅唐虞載歷庭除式觀禮器摘毫仰贊心焉遐企

百世而上以聖爲歸百世而下以聖爲師非師夫子惟師
於道統天御世惟道爲寶泰山巖巖東海泱泱高萬仞
夫子之堂孰窺其藩孰窺其徑道不遠人克念作聖

顏子贊

聖道早聞天資獨粹約禮博文不遷不貳一善服膺萬德
來萃能化而齊其樂一致禮樂四代治法兼備用行含藏
王佐之器

曾子贊

洙泗之傳魯以得之一貫曰唯聖學在茲明德新民止善
爲期格致誠正均平以推至德要道百行所基纂承統緒

保靖縣志

卷一

宸翰

十八

修明訓辭

子思子贊

於穆天命道之大原靜養動察庸德庸言以育萬物以贊
乾坤九經三重大法是存篤恭慎獨成德之門卷之藏密
擴之無垠

孟子贊

哲人既萎楊墨昌熾子輿闢之曰仁曰義性善獨闡知言
養氣道稱堯舜學屏功利煌煌七篇並垂六藝孔學攸傳
禹功作配

御製幸翰林院詩 乾隆

幸翰林院賜大學士及翰林等宴因便閱貢院乃知雲路
鵬程誠不易易也得詩四首

翰苑瓊筵酌令辰棘闈來閱鳳城闈百年士氣經培養寸
晷簷風實苦辛自古曾聞觀國彥從今不薄讀書人白駒
翾羽傳周雅佐我休明四海春

盡道文章接上臺菁莪樂育濟時才千秋得失非虛也咫
尺雲泥亦幻哉若有淚眶啼桂落那無笑口對花開鳳池
多少簪毫者都向龍門燒尾來

萬里扶搖正翮搏飛龍利見豈爲干志賢聖志應須立言
孔孟言大是難見說經綸推國士從來桃李屬春官但令

保靖縣志

卷一 宸翰

十九

姓字朱衣點那惜三條淚燭殘

周遭闡棘院沉沉景物當前總入吟材擬圭璋方特達文
歸雅正薄艱深禹門魚變辭凡水喬木鶯遷出故林寄語
至公堂裏客莫教冰鑑負初心

保靖縣志卷一


星野志

四七炳耀於昭于天生地浮空輝麗大千維楚有分
雁翔珠聯肅肅閭閻協氣調元陰隲品彙沖和無偏
雖區疆域不殊次躔志星野

星圖

翼星圖

唐天文志河南之芬中翼十星經度凡十一度八十分內五尺內十八尺為黃道




保靖縣志

卷一 星野

軫星圖

唐天文志河南之分終軫九星經軫凡十七度一十七分內三十分尺為黃道



星野

周禮保章氏辨星土九州之地封域皆有分星鄭註
鶉尾楚也

星經軫凡十七度一云十七度三十分內十三尺為
黃道丹元子步天歌云軫四星似張翼相近中央一
箇長沙子左轄右轄附兩星軍門兩星近翼是門西
四箇土司空門東七箇青邱子青邱之下名器府器
府之星三十二以上便為太微宮黃道向上看取是
又步天歌云翼二十二星大難識上五下五橫著行
中心六箇恰似張更有六星在何處三三相連張畔

保靖縣志

卷一 星野

附五箇墨星翼下頭欲知名字是東甌

春秋運斗樞斗第四星曰權第五星曰衡

左傳鶉尾為楚

史記翼軫荊州 荊州麗北斗權星

爾雅鶉尾曰鳥帑邢昺疏已為鶉尾初張十八度終
軫十一度

春秋元命苞軫星散為荊州

漢律歷志鶉尾初張十八度終軫十一度

班固三統歷自張十七度至軫十一度為鶉尾於辰
在己楚之分野屬荊州

晉書註費直起張十三
度蔡邕起張十二度

武陵人軫十度蔡邕月令章句自張十二度至軫六度謂之鶉尾之次楚之分野

漢地理志楚地翼軫之分野也今之南郡江夏零陵桂陽武陵長沙及漢中汝南郡盡楚分也

晉書天文志翼南五星曰東甌蠻夷星也軫南三十二星曰器府樂器之府也青邱七星在軫東南蠻夷之國號也

廣雅布度定紀布州繫象徐揚屬權星荆屬衡星隋地理志荆及衡陽惟荆州上當天文自張十七度至軫十一度

保靖縣志

卷一

星野

四

唐書天文志翼軫鶉尾也初張十五度餘千七百九十五秒大中翼十二度終軫九度自房陵白帝而東盡漢之南郡江夏東達瀘江南郡濱彭蠡之西得長沙武陵又逾南紀盡鬱林合浦之地自沅湘上流西達黔安之左皆全楚之分古荆楚鄖郢羅巴夔與南方蠻貊之國翼與昧張同象當南河之北軫在天關之外當南河之南

星經南宮赤帝其精朱鳥爲七宿井首鬼目柳喙星頸張嗉翼翻軫尾司夏司火司南岳
春秋緯自大別以東至雷澤九江荆州屬衡星

象緯書北斗七星魁四星爲璇璣杓三星爲玉衡
星經翼軫楚之分野荆州也翼凡十八度一說十八
度七十五分內十六尺爲黃道

唐地理志山南道古荆梁二州之域江陵峽歸夔澧
朗復郢襄房爲鶉尾分江南道古揚州南境岳鄂潭
衡永道郴邵黔辰錦施敘獎夷播思費南溪溱爲鶉
分自唐一行分天下山河爲二戒觀兩河之象與雲
漢之所終始而分野定焉

武陵今之常德奄及辰沅絜領諸邑越華容西境至
澧州石門慈利安鄉極於永順靖州之轄縣暨保靖

保靖縣志

卷一 星野

五

宣慰司皆武陵入軫十度之野

張守節史記正義翼二十星軫四星長沙一星轄二
星合軫七星皆爲鶉尾於辰在巳楚之分野

恒星論有古多今少古有今無者如翼宿中之東甌
五星今無軫宿中之青邱七星今三其軍門土司空
器府俱無也

通天王書自翼一度起爲荆州至翼之十六度爲各
長官司

星占

史記軫爲車主風其旁一小星曰長沙星正義軫四

星主冢宰輔臣又主車騎亦主風占明大則車騎用
長沙一星在軫中主壽命占明則主長壽子孫昌索
隱軫與巽同位爲風車動行疾似之也

宋史天文志青邱七星在軫東南蠻夷之國號守常
則吉軍門二星在青邱西一曰在土司空北天子六
宮之門主營候設豹尾旗與南門同占 器府三十

二星在軫宿南樂器之府也明則八音和君臣平

星經軫七星主將軍樂府歌謔之事五星犯之失位
亡國女子主政人失業賊黨掠入禍生於百日内若
光耀則天下昌萬民康四海歸王太白守之天下學

保靖縣志

卷一 星野

六

校散文儒失業

星經土司空四星在青邱西主疆域亦曰司徒均明
則天下稼穡豐

